

կողմից: Այնպէս որ 1905-ի նոյեմբերի 24-ին այն բարձրագոյն հրամանը՝ որով վերացուում էր նախնական դրաքննութիւնը՝ նոր ընդհանուր օրէնք է, և չի բովանդակում իւր մէջ հոգեւոր ձեւարանների մասնաւոր առանձին օրէնքը:

Բովարիայի եկզարբը Յովսէփ Եպիսկոպոս մի յուշագրով դիմում է թիւրք կառավարութեան՝ հրաւիրելով վերջինիս ուշագրութիւնը Մակեդոնիայի բոլկարների այն ճնշումների վերայ, որ կրում են յոյների և սերբերի կողմից: Վերջիններս իրենց որանձարձակութեամբ ջնջում են ո՛չ միայն բոլկար եկեղեցին, այլ նոյն իսկ ժողովուրդը, որ չկարողանալով տանել այս հաւատարկիցների կատաղի հալածանքը, գաղթում են բազմութեամբ: Եկզարբը մատնացոյց է լինում մի շարք յուշագրերի վերայ, ուր ինչպէս և այս վերջինի մէջ ցոյց է տուել մի կողմից վերոյիշեալ հալածանքի բազմութեան դէպքեր և միւս կողմից կատարեալ քաջալերութիւն տեղական կառավարչական անձանց կողմից: Յիշում է թէ քանի գիւղում եկեղեցիները փակել են տուել կամ խլել ուժով, գերեզմանոցները խլել: Իսկ գանդատները մնացել են միշտ անհետեանք: Կառավարութիւնը առանց ձգձգման իրաւունք է տալիս եկեղեցի կամ դպրոց հիմնելու յոյն կամ սերբ ժողովրդին, իսկ երբ բոլկարն է դիմում, կամ մերժում կամ այնքան ձգձգում, որ վերջը յուսահատուած թող են տալիս: Ոչ միայն նոր դպրոցներ բանալու իրաւունք չեն տալիս, այլ եղածներն էլ ամենաջնշին պատճառով փակում են: Նոյն իսկ Սուլթանի իրադէսները անկատար են մնում: Յոյն և սերբ հոգեւորականները մասնակցութիւն ունին տեղական վարչական գործերում, իսկ բոլկար հոգեւորականը ղուրկ է այդ իրաւունքից:

Սրբազան էկզարբը ի՛նչ կարող է սպասել մի մահմետական և քրիստոնէական եկեղեցուն թշնամի կառավարութիւնից, եթէ հաւատաակից և քրիստոնէայ համարուած յոյն և սերբ ժողովուրդն ու հոգեւորականները այդ օրինակ վարուում են: Ակամայ մարդ լիշում է յոյն ուսանողների պատրաստակամութիւնը մտնել սուլթանի դօրքերի շարքը, երբ բոլորուել էր Մակեդոնիայի ապստամբութիւնը: Յովսէփ Եպիսկոպոսի յուշագրերը մի արատ է, մի սև կնիք քրիստոնէայ համարուած ոչ քրիստոնէայ հալածիչների ճակատին:

Ադեֆանդրիայի եկեղեցի

Փոթիոս պատրիարքը իւր սովորութեան համաձայն շրջել է Եգիպտոսի բոլոր քաղաքներն ու գիւղերը, ուր իւր հօտն է

գտնուում, Գահիրէ, Սուէզ, Պորտ-Սուդան, Խարտում և ինչ
Ամէն տեղ եղած եկեղեցական խնդիրները անձամբ քննել, մի
քանի տեղերում նոր եկեղեցիների հիմքը դրել, առաջորդներ և
յաջորդներ կարգել և միաթարելով իւր հօտը վերադարձել
Աղեքսանդրիա: Այս շրջագայութիւնը մանաւանդ շահեկան է
եղել և այն կողմից, որ մարդիկ է գտել Երուսաղէմի միաբա-
նութեան մեծագումար նուէրներ տուող:

Երուսաղէմի եկեղեցի

Երուսաղէմի պատրիարքութիւնը յատուկ ուշադրութիւն
է դարձրել զպրոցական դործի վերալ: որով ուղում է մրցել
կաթոլիկ և պրոտեստանտ եկեղեցու հետ: Նա իւր միջոցներով
պահում է 78 դպրոցներ 59 դիւղերում և քաղաքներում:
Տղայոց դպրոց պահում է 59 հատ, 109 ուսուցիչներով և 2928
աշակերտներով և օրինորդաց 19 հատ 44 դասատուներով և 1365
աշակերտահիւներով: Այս դպրոցների մեծագոյն մասը տարրա-
կան են: Միայն ս. Խաչի աստուածաբանական դպրոցը միջնա-
կարգ է, և մի քահանայացուների դպրոց Երուսաղէմում և մի
գործնական Յնպպէում չորս դասեան (պրոպիմնազիայ):

Դպրոցների տարեկան ծախսն է 80,000 ռ. որ ամբողջովին
պատրիարքութիւնն է հոգում իւր եկամուտներից: Ուսանելի
լեզուներն են արաբերէն, յունարէն, թիւրքերէն, ֆրանսերէն և
անգլիերէն, վերջին երկու լեզուները մեծ հրապոյր են ներ-
կայացնում տեղացիների համար կաթոլիկիաց և պրոտեստանտ-
ների դպրոցները յաճախելու, ուստի ստիպուած են եղել իրենք
էլ մացնել:

Ի՞նչ են անում մեր Երուսաղէմի միաբանները այս մրցման
մէջ, չլինի՞ թէ այնտեղ էլ մարդորսները առատ հունձ են անում,
ինչպէս մեր աչքի տակ հէնց Էջմիածնում հայերէն սովորելու
անուան տակ ապրելով վերսկսել է պրոտեստանտական առա-
քելութիւնը մի ինչ որ բժիշկ և ինչպէս լսում ենք արդէն հե-
տեւորների շրջան կողմէլ:

ԿԱԹՈՒԼԻԿ ԵԿԵՂԵՑԻ

Հռոմի պապը՝ Պիոս Ժ-րդ պրաւոսլաւ արեւելքի վերաբեր-
մամբ փոխել է եկեղեցական դիւանագիտութիւնը, օրին հետե-
ում էր Անոն ԺԳ-րդ պապը: Վերջինս արեւելքը Հռոմի աթոռին